

ПОЛИТИЧЕСК КӨДЛМШИГ ЭДЛ-АХУН КӨДЛМШЛÄ ИРЛЦÜЛХМН

Шидр, темснә совхозин эклц парторганизацин тооцана болн сунъгъврн хург болснд парторганизацин сеглätр үр И. Плотичын тооцана доклад кев.

Докладчик болн хурт үг келцхәсн коммунистнр, әмн болгъна тоод малас гаргъдж авдг эдл-уушарн нүр йовгч капиталистическ орн-нутгудиг күцх төриг, СССР-н экономическ өслтиг делгрүлх төриг өөрхн цагин эргцд күцәддж чадх эв-аргъан өлзлдж, долан джилә зураг болзгаснь урд күцәхәр, цуг күч-көслчнр социалистическ дөрлдә делгрүлдж йовхд совхозин коллектив шунмгъагъар орлцджахин тускар келцхәв.

Олн дундин политическ көдлмшиг совхозин эдл-ахун көдлмшлә ирлцүлдж, голлгч участкиг коммунистнр илгәтгәд, парторганизацин социалистическ дөрлдә делгрүлдж йовхд тусхаджав.

Бийдән авсн 1959 джилә даалгъвран совхоз иигдж күцәв: хаврин тәрә — 2082 га тәрхин орчд 2159 га тәргдв, әннь 1958 джилинәс 1080 га ик болв.

Ән джилин эклцәр совхоз 91 бод малта билә, ән джилин чилгчәр 180 бод малта болхмн гидж даалгъвр авгдла, сентябрин негнд 200 бод малта болв.

Нүр йовгч саальчнр О. Манджикова, Ш. Берденова, нань чигн улс, бийсдән өөдән даалгъвр авцхала. Әдн даалгъвран туурмджтагъар күцәджәцхәнә, саальч үр О. Манджикова зурагъар үкр болгънас джилдән 2000 литр үс саадж авхин орчд 2500 литр үс саадж авнав гидж даалгъвр авла, 8 сарин эргцд саадж авснь 2356 литр үсн, Ш. Бердинова бас им даалгъвр авла, ән болгт кү-

цәснь 2107 литр үсн, Е. Астралинован джилә зурань — 1700 литр авсн даалгъврнь 2 мингъгън литр үсн, 8 сардан күцәснь — 1789 литр үсн.

Укр болгънас джилдән 1500 литр үс саадж авх зурагъан совхоз эндр өдр 112 процент, государствд 800 литр үс хулдх зурагъан 183 процент күцәв.

Совхозин эдл-ахун көдлмшиг шүүддж хәләлгъяр парторганизацин партийн хургудт директорин болн онцонц гардачнрин докладынь сонъсдж, сүв-селвгән өгв.

Партийн организацин көдлмшт кесг дуту-дунд бәәсинь үг келцхәсн улс шалгъцхав.

— Партийн-политическ болн олн дундин культурн көдлмш ода чигн ик сул. Зәрм коммунистнр партийн даалгъвр уга, зәрмнь даалгъвран күцәджәсн уга, тедниг партийн хург деер сонъсджасн уга. өрсин газет даран-дарандан гархш, парторганизацин өслт ода чигн татухн, социалистическ дөрлдәнә бооца цаглань шүүддж-хәләлдж дигинь кеджәсн уга, гидж коммунистнр сеглätрин көдлмшиг шалгъв.

Цааранднь коммунистнр совхозин көдлмшт бәәх дуту-дундсиг шалгъад, терүгән дарунь ясрултха гидж сүв-селвгән өгцхәв. Әдн, нег үлү автоматизацин, механизацин жемгън хашнъ болджихиг заадж темдглцхәв, балгъсиг темсәр, зер-земшәр, үсн, тосар теткелгән муугъар күцәджәхиг шалгъв.

Хург, күүндсн төрмүдән, көдлмшт ясрулгч шиидвр батлдж авб.

Парторганизацин сеглätрт үр А. Адельнов сунъгъгдв.

Д. САНГАДЖИЕВ.